

四庫全書

集部

欽定四庫全書

松泉集卷二十四

乙亥

吏部尚書汪由敦撰

恭和

御製新正二日曲宴廷臣元韻

仙木三陽麗堯莫二葉開瑤箋傳

聖藻綺席接春杯韶律歌聲答條風舞袖迴拜

恩榮殿陞敷澤徧埏垓已喜旃裘集行看露布催颺言

同有願染翰愧非才

人日陪祀

郊壇禮成趨直同人以楹帖中平字為韻分得仙字因
乞諸公手書聯成巨卷并囑閣學錢公畫菜於
後以紀一時翰墨朋游從容清燕之盛傳諸異

日永為篋中珍秘云

靈辰泰時奉明蠲入直分題劈錦箋典借吹笙酬令節
語工挑菜讓坡仙草堂漫檢懷人句綵勝憑裁應

制篇好是西清清暇日官梅東閣紀華年

乙亥初夏招莊方耕學士錢立之編修王受銘舍

人集麗景軒并命

沈兒

侍坐即席以首夏猶清

和為韻分得夏字

晝永時務閑退食適多暇開軒面清池幽賞觀物化在
苒度三春恢台屆初夏高柳綠陰稠禽吭弄嬌姹舍人
方出省瀛彥近聯舍晤言傾夙抱禮數畧招迓梅笋愧
鄉風豪舉漫相詫放懷從俯仰指點舊臺榭拈吟情所

託鼃采炯交射老去默自吟修齡詎容假學步命坐隅
着膝寡憑藉從容展餘業振迅警徂謝因之一晌懼豈
事如澠瀉

紅藥當堦翻倣試帖體

紅藥依時發揚芬傍禁廬芳菲中省秘爛熳殿春餘種
向雕欄近開承湛露潄色分常侍綬香襲令公裾披拂
薰風裏低垂曉霽初不須金作帶雅稱玉為除動影移
玫瑰流光上綺疏工吟傳謝句輝映紫泥書

聖謨廣運平定準噶爾恭擬饒歌三十首

謹序

乾隆二十年夏我師入伊犁平準噶爾部達瓦齊

就擒捷聞

皇帝薦功

太廟遣 皇子告

列祖山陵羣臣請上

皇帝尊號却弗許祇晉

聖母皇太后徽稱

詔示天下覃慶中外

皇帝親御豪翰告成太學勒銘伊犁及格根山煌煒鉅
麗陶鑄典謨囊括雅頌於古無二一時臣工作
為頌歌揚厲

盛烈

臣

弇拙無似指事徵實輒譜為鐃吹歌辭宣凱樂

之意謹按鐃歌鼓吹曲軍中大凱所奏古有其
辭莫不侈陳旌麾鎧仗兕犀弭服之容熊羆貔
虎鷺鶻鳥蛇之盛追奔執馘殲夷斬獲之威喋

聖祖

血僵尸競相誦伐要非所論於今日之王師也
肆準噶爾部自策妄阿拉布坦以來自外聲教

世宗擴如天之量包容羈縻許通貢市而彼昏恃遠驚

桀三傳至策妄多爾濟那木扎爾一篡於喇嘛

達爾濟再篡於達瓦齊酗營毒痛狹猢猻其衆於

是都爾伯特台吉車楞輝特台吉阿睦爾撒納

和碩特台吉班珠爾各率其部衆數萬人先後

款關內附

皇帝推赤心撫字之優以封爵飫以宴賚諸台吉大喜
過望具言厄魯特族屬朝夕倒懸投命無所道
遠力不能自達非

大皇帝哀而拯之殆靡子遺

皇帝曰吁荒徼非用武地來則撫之耳諸台吉請益力
皇帝為新附諸台吉久遠計非即其故地處之不可且
燭照魴鱖魚爛之形時弗可失乃斷自

神謨應機決策乘春迅發偏師試可北路出烏里雅蘇
台西路出巴里坤以二月初吉啟行越五月朔
之五日大兵悉抵伊犁達瓦齊棄其巢帳循格
根山阻淖為營衆號近萬我翼長喀拉巴圖魯
阿玉錫以二十二人夜劫之所向披靡自相躡
藉達瓦齊以百餘騎遜去猶人遮獲之俘致
闕下先是軍中執青海舊逋羅卜藏丹津父子及叛臣
巴朗孟克特木爾五人獻俘

宗社至是

皇帝再御午門受之粵我師自春初發輒京圻經程萬里閱五弦望所至鄂拓克台吉宰桑德木齊耕牧不移壺簞載道如迎賓旅罔知師行大帥宣布

德音黎老婦孺厥角膜拜遠近奔屬懽忻踴忭若避烈燄出洪濤而登衽席也若脫猛獸毒虺之口而歸乳哺也赴桓之衆有力如虎無所之施彊馭

利鏃長矛鐵騎無所之試全師高唱旋轡邊關
操券折筮未足為喻當夫軍書郵達仰稟

成算或

駐輦據鞍或

披帷秉燭

飛毫批答晷不踰寸

挈授機宜符合窾要以稽

乾則則

天人協心以纘

宗功則

謨烈丕顯建隆碣於龍庭拓版章於烏弋鋪觀史牒未
有捷速神奇若此其至者傳曰不戰屈人又曰
王者之師有征無戰乃於今親見之斯豈自古
用兵遠徼者所及知而亦豈自古軍旅凱旋大
樂所常有哉臣幸際千載一時之會敬仿唐人
詩體分上下平韻三十章藉以尊揚萬一罄區

區之忱云爾

明堂稽琕萬方同玉燭春調長養風絕域生成依

聖主狄鞮不待舌人通

託渾負勇擾元宗徙幕金山拓蟻封遺孽力能侵衛藏
套西曾見夜傳烽

仁皇九伐

親三駕厄魯諸蕃次第降斬却樓蘭清朔漠

勒銘拖諾樹金幢

青海功成鐵騎馳伊吾廬戍又瓜期不難直掃封狼窟
干舞

虞階欲待時

天心

聖德本無違罷戍當年早燭幾百戰龍城飛將力何如
一鼓震稜威

屠耆代立操戈日頡利相攻擇肉餘甌脫無人秋磧冷
紛紛哀鴈與勞魚

名王當戶軼塵趨嘉峪關南脫帽呼亡得

天兵天上至爭先負弩効前驅

乍解旃裘襲錦綈玉壺瓊液泛玻璃山莊行殿呼韓侍
黃幄筵開萬樹西

駝裝入塞受

恩皆綠樹如油萬幕排何處清笳歌勅勒風光不隔木
齊厓

籌邊高議集雲臺聚米圖成萬里開未待折膠威已立

長驅飛度入春纔

傲外雲霓望欲申赤囊白羽鬱戎塵指揮風牧懸

軒鏡帷幄籌輸

睿斷神

都護誰收鄭吉勲玉門遮斷貳師軍西京定遠東京勇
將畧何人迴出羣

銀印花翎共拜

恩軍牙鼓角不聞喧馳驅多得降臣力誓取天山報

至尊

障吏新屯徵戍尉羽林舊籍出辰韓輕賫自裹糧三月
不事車駝餽餽難

舒舒旗尾度陽關片片雲頭接塞山那有驚沙迷大漠
朝來雨過草痕斑

波羅塔拉遠連天闡爾奇前勒錦韉羅克翰誠多爾濟

三軍談笑過燕然

噶爾丹多爾濟所居曰羅克蘭定西將軍遣使齎敕諭降跪奉受詔惟謹

鳴沙西上戰氛銷

丹詔分明下絳霄遂有奚童博香薜更無遊騎躡春苗
玉盤擎獻比陶匏肥豸紈牛道左交集賽萬人剛奉賣
庫倫千戶又迎郊

直擣伊犁士氣豪十旬跋馬不知勞漫愁怒漲前川阻
絡繹艤腫駕雪濤

八千餘衆已無多扶醉匆匆走六羸逐北縱踰花諾海
幾曾縷血濺雕戈

銜枚蹴踏夜驚譁電掃雷礮突厥牙二十二人人敵萬

肯教千帳化蟲沙

笑圍自幸脫刀鉞駭鹿奔豨伏道旁霍集遐擒來獻捷

全收四部奠遐荒

誘執達瓦齊者霍集
斯伯克狗部長也

關前露布疊馳聲列站傳籤接鳳城

天藻自歌阿玉錫薰風絃裏協昇平

御製阿玉錫
長歌紀其事

可汗分置歲來庭直北龍沙入

帝局

鳳紀新編增列部烏臺申命測中星

時憲書列諸蒙古
部落日出入早晚

四衛拉特皆增入因命左都御史何國宗親至其地測量星度繪圖以聞

龍旂

太室裸將馨

九廟

珠邱肅豆登秋塞函香兼肄武更教

家法紹雲仍

慈宮寶冊疊凝休雲篆

徽稱載紀稠萬姓喧傳

恩詔出翠蕤丹鳳瑞烟浮

禁鐘初動集華簪饒吹聲和羽衛森白組獻俘仍貫死

九天闔闔播

綸音

雲漢昭回二典三犁庭碑紀格根南

功高千古文千古

元氣淋漓萬景涵

辟雍豐表矗穹簷闕里

鸞旂肅拜瞻一路春風迎

翠輦吳鄉越水

湛恩霑

簪毫魚雅進瓊筓凱樂新歌叶大咸

續

緒功成却

鴻號

宵衣長自厯民出

恭和

御製八月六日恭奉

皇太后幸塞外啟蹕元韻

秋原朝旭麗雙旌繼

武承

惟仰

聖情甫草駟虞循舊典條枝帶礪錫新盟

時厄魯特新降諸台吉皆

赴熱河候頒封賞宴賚

禾書繡壤登千廩樂奏鈞天叶九成此日

展軫初應令凱歌華祝遍寰瀛

恭和

御製雨中過懷柔縣元韻

路接庠奚近旌迴雉堞前羣山留宿雨密樹靄村烟歲
稔稼初熟霜遲草尚芊懷柔當爾日觸緒入

吟鞭

恭和

御製新月元韻

嶺頭歛盡雲千疊

殿角懸將月一痕
氣霽高空臨白藏
人乘新爽入黃昏
憑看眉細還弓側
誰見蟾奔與兔爰
遲待良宵共嘉賞
山莊風物更量論

恭和

御製出古北口元韻

烏丸直北萬重山
列嶂盧龍第幾關
粉堞尚餘秋草碧
青編猶記夕烽殷
祇今屬國通軺傳
到處山田接市園

清蹕年年叨扈從

翠華翹首白雲間

恭和

御製烏沙爾器元韻

烏沙爾器木名出塞外
秋結紅子累累如天竺

丹旌不逐塞榆飄火齊星攢聳翠翹若向西京論賦手

君遷平仲是同僚

答還何曾到上林

常命移植御園雖成陰
而不茂地氣之限有如此者

龍沙秋

色曉森森故知不入嵇含狀果譜新增有

睿吟

名見廣羣芳譜乃新
增前人絕無題詠

靈沙點就神丹轉
靺鞨奩開寶氣豪
應笑朱方數紅豆
漫勞西域問蒲萄

恭和

御製清舒山館元韻

仙館憑虛石作關
天開畫幃稱幽閒
清疎顥景佳如許
舒豁

神襟愛此間
老樹入秋添
颯爽暗泉經
雨助潺湲
年年

天藻留題在片片飛雲相與還

恭和

御製寫心精舍元韻

經秋在在有清音

雲構松軒敞繡林風景當前含動靜
化機與物適飛沉
寒光桂闕明豪飈逸響松臯振羽禽

攬景對時傾寫處共知妙達是

神心

恭和

御製曉行原韻

複谷嶮岬如子午駝圖馬嘶紛莫數朝烟未泮遠色橫
弦月當空寒照明東嶠想像扶桑昇伊尼扶侶呼食草
不似茆店雞三鳴雙旌拂拂隔林見

六龍蜿蜒乘雲行浮嵐蒸蔚明霞紫迺卒待圍依次止
筍輿兀兀望

清塵照人鬚鬢伊遜

平聲水

恭和

御製箬漠驛元韻

塞水魚名似鱸國語謂之箬漠驛蒙古謂之集伯格即柳根魚之類

塞水奔湍駛誰緡貫柳魚分無蓮葉戲幾見浪花噓也
作蓬池膾憑漆爾雅疏宰夫能喻政一試小鮮如

恭和

御製璫廬疊舊作元韻

沙塞行程取易那細旃裝卸付封駝宮高望出重城迴
圍徑量來十笏多土并無階唯藉草雨原不漏笑牽蘿

循墻果見偃僂入此是隨身自在窩

恭和

御製九月朔日元韻

陽律數唯九金行次當季霜催塞草白寒益嶺松翠烝
徒望大旗獵獵迎朔吹一呼衆山響跋馬不擇地鼓勇
有如此漠南增遠思

恭和

御製題君實玉印元韻

器與人俱舊鑄從元祐年不名符宿望此德稱高賢應
入長編局寧叅堂印權摩抄經

睿賞特達永珍傳

恭和

御製題趙孟頫吹簫士女圖用圖間宋濂韻

截肪難分簫與指天然真態鉛華洗一聲吹徹轉悠揚
井床倒瀉銀瓶水羅袿半掩茜袖紅花翹不動影蛾隴
何處飛來丹穴鳳倏聽吟出碧湫龍不教倚曲遲還咽

涼颼輕颭樓欄葉朱唇微盛調頻移律按旋宮知幾月
霜筠空染湘江血銀雲片片穿空裂

敬題小除日

御筆墨梅畫

冰融硯沼寒香發玉琢玲瓏清入骨花光墨彩出

天真中宵欲動黃昏月獨幹新抽如削鐵東閣含毫幽
思結信風欲到已先春凍蘂將舒猶待雪爆竹聲中煖
律回萬卉千葩次第催

化工自露陽和意領取韶華遍九垓

恭和

御製盤龍松歌

盤山之奇奇以松拏雲裂石各負異千岩萬壑疇為宗
非遇

時乘御天人何能識此法藏之真龍風簪苔甲種來歲
紀無由考雷雨蟄不起太始一昏曉扶輿之靈不能秘
留待

軒遊事幽討有如高卧人豈應終向隘中老即看畫中
龍墨池變化騰虛空鬚眉如晤商顏翁為想阿中盤悄
然坐對四正山蛻骨不藉紫府丹童童鬱鬱盡孫子海
風吹濤九萬里定光古德為說法若有人兮科頭箕踞
雲根倚噫嘻龍兮見田為盤起作霖雨長保歲寒

丙子春帖子詞

日麗銀為勝雲霏玉作田康衢聞善頌第一是豐年
金爵觚稜淑景新朝正添得幕南人憑將

天上陽和律遠布陰山萬里春

鷲旗東邁肅巡方幸魯詩賡在泮章芹藻獻功昭武德
金絲傳道煥文章

松泉集卷二十四

欽定四庫全書

松泉集卷二十五

丙子

吏部尚書汪由敦撰

恭和

御製丙子立春日瀛臺雪中春望二首元韻

瑞應東郊肇歲祥
六花飛潤徧蒼芒
行春太液通遙漢
擣藻重華駕盛唐
望裡樓臺渾入畫
白中珠玉燦交光
陌頭歌舞三農慶
未釋宵衣

睿慮長

是日召大學士及內廷翰林重華宮聯句

瓊柯纈素藹芊眠共識新韶樂事駢凱捷即教來雪嶺
豐穰先喜兆吳田莫開五葉呈彫玉花綴千枝映列錢
最是承

恩頻志喜年年長侍

御筵前

恭和

御製立春日題北宋無名款雪霽捕魚圖疊舊題趙幹

江行初雪卷元韻

行春上苑臨淑清

西苑中
院名

六花呈瑞霏蕤雲鳴鑾振藻發

嘉賞暖入宮硯融池淩明窻展卷得魚樂銀沙鏡澈波

搖青五湖三泖多泛宅家具無過農畱曾坐寮盪漿紛

聚散衝寒揭厲各有營市簞新携縮項換村春宿飽長

腰烹風恬浪平足快意詎有侵歎繁憂增素鱗戢戢壓

船重兒嬉婦笑如聞聲誰歟為此工寫生四家法外經

睿評撫時對景攄

遠思所願耕桑敵獵一一慶阜成

恭和

御製丙子上元燈詞八首元韻

淑景新韶鼎鼎來燈光喜關雪光皚應時果協登豐兆
孚甲潛抽宿麥培

紫爛高騰萬道光蓮臺芝駕競輝煌西乾古佛現金粟
南極一星明壽昌

物華歲歲還增麗節景年年務出奇那抵

清詞紀綱快翻新取勝濬

文思

幻來澤國琉璃界鋪向鱗塍蒼筍花正賴光明

心似燭歡騰比屋不興嗟

排門照野為占年應識人情即是田飛爆聲中銀箭永
九衢車馬尚闐然

花明錦繡多如許雪比瓊瑤重也應最是萬方娛樂處
先憂

一念已難勝

屢豐熙皞百年久保泰乾勤十倍加

天上春光福如海人間和氣樂全家

何止燈輪艷西域遙看寶炬燭條枝春雷響動千林應
德化風行迅若茲

恭和

御製上元後一日小宴廷臣並許觀烟火元韻

西山擁座玉為岑綺節深諧

望歲心不夜宵長當既望連朝雪霽尚重陰
鑪烟鼎味調元氣鳥語歌絃奏好音更許鰲
峯陪勝賞萬叢火樹絢春林

明燈積雪散林光醉舞番渠樂未央飛電奔
雷爭的皪銀龍紫鳳並熒煌記從秋月千峯
迴幾度年時萬樹芳

前秋杜爾伯特台吉車楊等上年緯爾多斯台吉噶爾
藏多爾濟等先後入覲賜宴熱河陳火戲於萬樹園
均叨陪侍恭和
御製燈詞述覽
不息宸心周六幕金錢何止徧淮揚

恭和

御製月元韻

碾出冰輪恰應規清宵

行殿屢吟之烟村薄暝人歸後霜帳餘寒夢醒時迴雁
千門照殘雪飛鳥三匝上高枝今年通閨春纔仲十二
回圓尚始斯

恭和

御製過拒馬河元韻

赤欄橋外飛塵輕春流渙渙新水生兩行高柳夾宮道

驚旂迥指西南行
禹甸堯民安作息
底從燕趙尋遺蹟
即今萬里

命輶軒天末占星拱宸極
幕南氛祲全消矣
天馬西來
未云已
山村父老競迎

鑒翠華歲歲來過此

恭和

御製鳳凰臺春望元韻

鳳山相對有臺名
孤阜隆然傍

御營恰值

巡游憇清蹕小供

臨眺愜新晴岱雲津樹層層見古蹟今傳一一評紀瑞
寧因命鴈扈來儀端待奏韶英從知志乘多荒畧暢喜
閭閻各遂生載道扶携切瞻覲聚廬作息樂承平觀風
到處徵淳俗望歲隨時厘

聖情車馬卷阿應比盛朝陽翹羽協和鳴

恭和

御製麥秋元韻

宿麥經時雨紛披遠近疇淺蕪應讓色新綠喜盈眸登
日每先熟嘗來快早收三吳望尤切得飽更何求

恭和

御製曉過景州元韻

邦畿千里此甸服直道三代唯斯民箕風畢雨從所好
瞻雲就日莫不親使自得之道以德視如傷也止於仁
廣川繁露此故里儒術之效職有因

恭和

御製入山東界元韻

奉岱迎

鑿輅汶沂度玉驄俗因封域異民自古今同庶矣富方
穀食哉時屢豐入疆勤

諭戒力作及春融

恭和

御製習射元韻

三侯張向慢城東玉韞

親彎九合弓不有騶虞勤武備那看虎旅奏戎功
遠風急送鳴鶻響遲日斜熏列幟紅共仰從容能中道巧兼力到

聖人同

恭和

御製降旨加賑去歲山東被災州縣元韻

充青故沃壤屢豐連郡縣昨秋下隰潦百中一二見恭

承

聖澤優旋覘元氣轉典牧廣惠鮮不計鉅萬萬左饋而

右粥頌

恩感且歎更軫麥秋遇時廼春之半展賑一兩月按籍
差次散豈惟惠吳氓津權減征算如傷恒在念九服

一心貫至誠名

天和大有秋其遍

下
恭和

御製夜雨元韻

宸遊布膏澤密雨徹宵零布穀春當令興雲嶽效靈漏
聲隨斷續遠火漸迷冥

問夜心時切

惟宮愜靜聽

恭和

御製曉行元韻

曙色開初霽星言馬首東川原千里潤烟火萬家同扇

合朝霞紫旗翻海日紅歡迎民氣暢為喜比年豐

恭和

御製菜花元韻

繡壤連畦萼跗稠花翹簇簇葉油油黃冠本色農家服
不是東籬隱者流

春郊澹池漾晴烟入望金英極邈綿應笑城中車馬客
只誇紅紫艷陽天

嫩蝶遊蜂襲遠芬東阡西陌總難分待收細莢黃梅候

也。比西成萬畝雲。

恭和

御製三月朔日元韻

三月纔舒莫一葉八年共喜

駕重臨。恰成春服行時令。來溯沂泉契道心。鄒魯郊圻
行處古尼防。蔥鬱望中深。東風

輦路聽輿誦。樂與民同此處尋。

恭和

御製駐蹕古泮池元韻

城南曲沼徵遺蹟望國當年此奏功

駐蹕適符今在泮園橋還比昔從公却看虬栢凌霄翠
為想鸞旂映水紅小憩應教采芹藻明朝釋菜

素王宮

恭和

御製賦得手植檜疊舊作韻

古榦中唐矗森寒可挿天後凋知澤永不朽以人傳得

地新栽者凌空獨歸焉骨堅同石瘦筋紐比龍纏壇杏
霑時雨宮槐接瑞烟

宸章題至再迥軼大椿千

恭和

御製謁元聖祠元韻

有恤閼宮遺跡遠虔脩裡祀潔築芬多才多藝成先德
文子文孫輔幼君赤舄袞衣瞻廟貌涵風無逸緬斯文
傳心展禮崇

先聖謾訝

親臨議論紛

恭和

御製孔林酌酒元韻

斧封儒澤遠展墓

聖心殷木鐸千秋教金絲百代文

鸞旂新俎豆馬鬣舊榆枌酌酒叢著畔從知仰止勤

恭和

御製三月三日元韻

曲阜旋

清蹕青郊蔚秀林佳辰當上巳芳草入春吟
泉溜泗源碧雲橫陪尾陰藏鶯新柳淺拂馬
落花深物候徵脩禊風光愜

賞音就瞻多士女省覽快登臨沈李詞誰擅
王顏序可尋此邦居近

聖未數洛川潯

恭和

御製至泉林二首元韻

節當寒食春方好地到泉林景倍明
選勝亭臺惟舊跡開懷風物是新晴
泉珠萬斛華粉映林纈千重翠葆迎
行殿凝香清晝永在川今日契遙情

貞珉仰溯

神堯蹟

芝蓋青旂復此來遊豫總同招徵角
詩篇閒訂地橫陪

泉如鼓瑟聲鏗爾風可披襟賦快哉
叨扈屬車逢勝地
詰朝欲去更徘徊
陪尾史記作橫
尾泗水所出也

恭和

御製過東平懷鄆州谿堂因用蘇東坡韻

臨谿敞華堂名艷千載後堂今渺何許
荒谿但疎柳為想堂成時賓從集裾袖
哀絳與豪竹意氣凌列宿廢興纔一瞬
歇若渠決溜獨藉韓與蘇健筆爭不朽
斯人並人豪意豈在文酒懷古誦

宸篇飛箋聽午漏

題支塘邵道人小照

謾謾松風滿耳聽一編鎮自讀黃庭謾疑句曲山中客
手輯陶家本草經

中旨傳呼

御藥房辭榮雅意慕韓康留將肘後書千卷更檢龍宮
古禁方

題曹劍亭中翰課耕圖

芟門塘水清且碧水田剡剡苗一尺柳陰觀稼者誰子
西垣舍人雲間客我別田間三十年頗能覩悉田間事
杏花菖葉硯土膏下隰高原分地利薈荼芟莠去非類
耕欲先時種當溉菑畝腴瘠各有分靈潦暎乾誰所致
三時作苦日孔長四體沾塗勞取避鹵莽何緣冀滿篝
好課農書叅要術要其力所難自主亦以適然聽豐匱
鄰家從道稼如雲肯因歆羨甘荒棄君看逢年歌有秋
盈畝嘉禾拜明賜

恭和

御製仲春經筵元韻

暖入花磚草欲芽

講筵清殿接東華時逢稽古趨承近老愧窮經願力賒

萬萬春陰和氣積霏霏瑞露

湛恩加高深親聽微言示傳語儒林盛事誇

題同年趙橫山副憲遺照

交游思老輩每動晨星歎我友古之人風義我所憚直

節懸朱絲亮懷淨白練緬昔同館初瀛侶盡才彥公於
朋遊中闇默不自銜名理資剖析神采露精悍編摩有
夙昔閣東事談讌公獨肩乃身若朝不及旰豈不重疲
勞日惟性所便承明當

召試甲選屢邀眷使節滇閩遊文旌江楚徧已復荷
簡注持衡厯首善柳州秉法度廬陵斥說幻所至務別
裁士風為一變書法雖小道俗學襲譌庸公以歐褚神
親與日講貫至今臨池家稍稍識津畔烏府銜恤歸奉

母潔晨膳豈無魏闕思
奈顧庭聞戀平生
忠孝行了了
可覆按晚主萬松席
陶鑄中激勸譽輒不容
口憤或不
下嚙非闕作而致真情
自流現殷然直諒衷力
疾靡稍
間翳余與公文廿載協
金斷歡洽到童孺愷惻
劇豪翰
何妨雜詠諧舉足供把
玩一別忽如雨宿草春
幾換遺
照留丹青隆顧削其面
笑語若可親人琴嗟久
判紛紛
少年場此老不可見
題詩擬八衣
輟筆淚如霰

題樂成令孟瞻亭泉清圖小照

謾謾松風晏坐時一泓秋水寫心期緣知花下鳴琴治
清節常師吳隱之

題程莘田少司馬雲塘課耕小照

耕鍾如雲傍綠陂江鄉農事起東菑依稀記得毘陵道
梅雨初晴五月時

仕宦常慳二頃緣問君何許買山錢女塙桑下開方罫
畫裡居然負郭田

一笑掀髯底事豪朝來灌水足東皋畫師會得忘機處不

向溥膝寫桔槔

齊雲練水記同鄉
傑值園齋又隔牆
竟合畫中添老我
面城居號耦耕堂

恭和

御製中秋即事元韻

碧霄真見蕊珠宮
夜色全消雨氣濛
寶鏡乍開千影淨
冰輪訝許上元同
共知遠照天山北
喜挹清光
御苑東時若今年
信堪慰萬箱其獲
慶農功

恭和

御製懷柔縣元韻

山城控甸興行旆
厯村廬稼稔

宸心慰時平
物象舒飯牛
依老樹飲馬得清渠
野老迎相語
堯民詎勝予

恭和

御製還亭行宮對雨元韻

油雲起亭午
好雨送涼秋
灑道先風伯
驅炎應蓐收
簷

高溜徐滴山遠翠新流即事多清賞黃圖第幾郵
山齋諧靜對送爽滌囂煩村柳疎仍暗秋芳澹不言林
霏遙裊潤嵐氣忽蒸暄行旅縈

清念來朝度塞門

暄色空濛裡那分霧與烟一簾香篆細千帳夕燈然
籌遠遲蓮漏

題詩拂繭箋隴禾知倍好尺穗繞吟鞭

恭和

御製出古北口咏古元韻

北門雄鎖鑰設險有嚴關一線通戎索千重竄塞山雉
樓空曲上鳥道翠微間往者藩籬重防秋士馬艱時清
邊備撤民晏古風還

聖治真無外雲峯相對閑

恭和

御製至避暑山莊即事元韻

繚城飛閣開圖幃玉宇珠宮會佛仙縷縷行雲時入座

重重列岫恰當筵，乘秋布令無非事。
頻歲從遊有夙緣，勝賞何嫌纔一宿。
幽探會待屬車旋。

恭和

御製固爾扎廟火用唐韓愈陸渾山火和皇甫湜韻並效其

體

鳴爾丹策楞於伊犁河濱，構佛寺北，曰固爾扎。南曰海努克，聚集喇嘛，令其五鄂拓克輪直供養之。

天驕濟惡窮饕，渾竊據西極伊犁源。
猘猱封豕擇肉吞，策妄首禍馳戎軒。
烏思藏昔遭劫燔，擾諸印度勢燎原。
天兵除殘奠厚坤，盜寶還鄂拓克垠。
策楞繼築招提垣，以固爾

扎榜其門鱗鱗鐵瓦輝朝暎更為像設冠沐猿彩繪犀醜
聚鯢鰲鬼車張翮摹遊鷗旁寫諸部趨投奔踞坐雄視
醜自尊衆壤時亦幻雞園西勒圖沙毘實繁剛洞鏡鼓晨
夕喧廟內喇嘛分四牀謂之西勒圖蓋彼之掌教者喇嘛法
器中吹角為威栗音者曰剛洞以骨為之或謂人脰骨云
凶德叅會殊荒墳再易瓦解靡麾旛狂狡跳不耐處禪
叩闕厥角高尻醫

帝推赤心遙軍轅彤弓盧矢屬兩隄導我徒旅輪輜輻
波羅搭拉舒織帑壺漿載道如羞膳廿一昂吉紛雲屯

昂吉者蒙古語部分也準噶爾所屬或一鄂拓克為一昂吉或數鄂拓為一昂吉共二十一皆噶爾丹策楞所屬今俱內附其衆台吉下之鄂拓克則各令其汗扎薩克等統之一如四十九旗之制

左酥右酪酒滿盆

帝嘉厥庸勞上罇洗兵正欲酬

溫言飽颺乃忽乘風翻中途脫兔不顧返術誘梵侶眯厥暖盜厥駝馬飄無根竄依大宛逾烏孫釜魚亡豈旋踵跟縛正罰戒辜

明恩禍淫道不爽上元穢與滌滌溺與援昆明劫灰可具論燭龍噓燄煽朱闥一炬淨掃腥羶痕燼滅遺跡追

遊魂宗喀巴為懺孽寬

蒙古稱佛為卜爾罕其感應靈著者曰宗喀巴若中國所奉菩薩云

火輪焦土歸無存從茲寧宇眠復飡蕃爾遊牧媾爾婚
脫免鋒鏑孽來昆平原無復豺羆蹲長林無復梟鷂騫
太和煦嫗釋衆怨滂汪闔澤涵鰕鯢自暘谷屆崑都崙
奎章紀事昭狂昏愈湜有知硯當焚強韻硬語誦不煩
倬彼雲漢舉手們

恭和

御製蕃劍行元韻

元魯時阿濟策楞敦多卜者噶爾旦策楞之弟號策善聞入萬衆矢石中

不目述此其所佩劍也其
妻李內屬以獻命藏武庫

湛如秋水盈寒塘煥如白虹吐角芒吳鉤薛燭古僅有
此劍何自來殊方陸剌虎豹水蛟鱗一揮縷血剗肝腸
額魯特四衛拉忒弱者為肉食者強手提三尺氣凌厲
豪酋呼嘯聯輩行指冒頓鏑堅必破擬昆吾刀銳莫當
匹夫之勇絕天道再世再亂嗟何常孤嫠扶携奉守器
內向雪泣赴訴詳雄光出匣欲鳴吼徑萬里路沙蹟長
稽矢差同肅慎貢良弓詎比荆楚亡旋機火槍鎖子甲

與此同獻歸九閭

宸章標題志歲月豈貴遠物天府藏
名王接踵朝未央

恭和

御製晚荷元韻

丁星黃紫闔秋芳偏愛池蓮發晚香
翠蓋尚擎珠作琲
紅衣未褪紛為裝餘暄葵藿傾初日
遠水蒹葭試早霜
獨立亭亭邀

睿賞壺中日月喜偏長

恭和

御製山店元韻

野店孤村草草成燒畬原分力鋤耕市沽待客盆傾瓦
家計課免樵積荆雞羽籬邊拾秋粒馬嘶門外數_工宵
征僻居也得瞻

鑾馭自切年年望幸情

恭和

御製朝嵐元韻

深山曉日見浮嵐雲靄類言近之矣憑空一抹掩林巒
詎測化工所由起時濃時淡時變滅非霧非烟幻若此
雨風蒙霧隨所占山澤通氣固具理

神心妙達智仁性

快筆乃能明所以不然日日行山中祇覺迷離如畫裡

恭和

御製入崖口元韻

對闢雲崖作網陸龍沙蜿蜒壯扶輿地無畦畛包山數

天設藩維隔里閭

崖以內絕無田廬

馬愛泉甘草肥處鹿當扶

北別羣初雲邊

奎藻豐碑矗應有山靈歲致予

恭和

御製雨獵元韻

羽林枝獵何雄哉千峯送雨忽復來塞外山靈擅神異
不藉屏翳列缺先為媒軍令分明嚴作止魚貫雁行差

可擬石滑鹿奔帶箭倒草濕雉驚衝馬起聞呼振策衆
情喜

龍行雲中隱現莫能指名王番長懾

天威唐弓一發不可弛區區佔畢笑豎儒文守信正
如此

恭和

御製霜元韻

白露橫空結霜清秋老時山風氣加厲塞月曉先知染

就巖楓畫凝來岸柳絲

宵衣恒厓念萬帳峭寒披

恭和

御製行圍卽事元韻

半嶺霜風颯颯來萬山高處絕纖埃
欲齊衆志羅千騎
應識天生用五材白氎爭迎朝日上黃旗
高捲朔雲開
踞鞍批答軍郵速那待飛書趨入名枚

馬騰弓勁稱行秋極目穹窿遠勢適虎伏崖深林霧暗

禽跳澗晃日光浮細尋伊遜河流曲遙辨長城古跡留即景
拈吟待圍合飛箋曾不費冥搜

屬橐列蠹迴恢張險越屢屢躡紀堂潮海沆溶迴地軸
風雲翕集揭乾綱繩聯碁布行無跡環合規圜制有常
肄武正勤

籌遠畧大風歌就興飛揚

恭和

御製宴王爾尼特使臣元韻

王爾尼特亦準噶爾厄魯
時也舊為四衛拉特之一

曰薛羅斯曰都爾伯特曰和碩特曰土爾扈特策
旺阿噶布坦時與土爾扈特攝蒙土爾扈特全部
西北去乃立輝特為一衛拉特故今土爾扈特南
則限於哈薩克東則限於俄羅斯欲至中國必假
道於俄羅斯俄
羅斯又名羅義

黃輿西極路交叉琛賈東來貢道賒重譯函開金字表
殊恩坐賜玉甌茶坐間皆用玉碗賜茶
衣冠便合圖王會方物
從教紀史家指示降王比肩列

殿頭那更隔幽遐

恭和

御製雪元韻

凌晨煜煜霞成綺
亭午紛紛雨織絲
頃刻漫空飛六出
塞垣風景幻如斯

馬蹄過處印猶淺
毳幕堆時濕不開
好待前山明月上
清光一片送晴來

嶺上松枝高落落
帳中燈影靜娟娟
明年若向興安路
鴻爪重尋過去緣

恭和

御製允南省諸臣之請恭奉

皇太后再舉時巡詩以述意元韻

膏澤沾蘇江國民適因秋稔

允時巡首春佳日諏惟孟七載前遊紀在辛樂事人人
瞻輦路歡聲處處洽村鄰

省方總是承

歡日行慶端知送喜頻

題表漫士少宰苑東寓直圖

池邊高閣小橋西楊柳千條傍檻齊地近蓬萊雲五色

嘉名留取得公題

園樓舊木署名公願以近光囑予書之

東西前後水潌洄雨過新萍撥不開橋外荷花淨如拭
納涼時盪小舟來

小年苔徑舊委蛇髮几繩牀位置宜庭下雜花多手植

幽禽啼上出簷枝

公所居半予舊寓

列榭當年羅綺叢笙歌燈火付東風只今本色存真意
喬木蒼烟入畫中

敬題

御筆墨梅

暗香浮處墨華澄
積素添來瑞葉凝
月澹霜清情並永
寒深春早態難勝
珠明踈點圓生暈
玉立橫枝瘦有稜
三白望殷憑寄興

神超象外古誰能

恭和

御製賦得文木八韻

不次韻

奇木驚希見天然細理分千條自相比一縷詎交紛入
握密成櫛圓端瘦露筋枯餘堅不壞質勝樸彌文異產
謝雕錯神工紐纈紋皮穿思溜雨榦直想梢雲庾信空
詞賦張華愧洽聞

錫名留

睿藻千古振華芬

恭和

御製雪中視朝元韻

雲籠閭闔六花霏積素搖光晃玉扉應臘三朝明彩仗
先春十日點青旂是月十五
日立春鵷行班合遲聽履貂裘溫
多未濕衣兆瑞共知天意洽

宸心長自凜惟幾

丁丑春帖子詞

應律調風布迎時瑞雪霏上元先一月春色滿

彤闈

丑月寅辰肇丑春蒼龍珠斗叶鴻鈞三農喜祝豐年慶

萬國同霑

聖澤勻

奎辟光騰新令甲斗牛區遶

大安輿韶華到處歡聲決送喜頻看上

王除

恭和

御製和錢陳羣田園雜興十首元韻

東皇橐籥鼓元聲萬彙芳菲荷曲成松栢嶺頭含晚翠

總憑雨露得滋生

春水迎

鑒畫鷁催新詩錦帙又重開

賜箋捧出驚傳看萬顆驪珠照眼來

駕湖一曲指荆柴幾許門前載酒來
遞到詩筒多似織
刻餘樺燭未成灰

蟲書煮字未辭勞烏爪何妨癢處搔
應許歲星朝曼倩
兩池幾度見蟠桃

菜甲臺心金滿畦橫塘水足紫魚肥
何誰解受田園樂
桑柘陰中薄醉歸

上箔經旬晝日遲移秧穀雨正霏微
喜逢

鳳帽湖頭過簫鼓村航拍水飛

猶憶聯舟破曉寒東風吹徹布帆單
六年林下重相見
交頌

天恩海樣寬

辛未陳羣同叨扈從

睿藻評量並沈錢

癸酉新正重華宮聯句御製有沈錢之目

詩壇吳越兩

耆年南來輦路多仙侶鸞鶴翩翩出洞天

恩光載處壓船低鳴和烟霄接翅飛

時陳羣子汝誠以起居官扈從得便

道省况有俸錢新入手鄉里爭看幾周圍

飽飯吳杭剪晚松

天膏優渥較春醲好教辦取卷阿句橐筆賡颺載道供

松泉集卷二十五

欽定四庫全書

松泉集卷二十六

丁丑

吏部尚書汪由敦撰

恭和

御製悅心殿元韻

苑西蓬島快登臨
春早幾餘近一尋
冰鏡卧虹銀作界
風篴吹鳳玉為音
窻銜塔影移遲日
屏展峯嵐釀積陰
俯聽九衢歡笑處
萬方悅豫應天心

恭和

御製雪元韻

臘雪連番細細霑開春瑞葉更頻添銀聯雙闕高封瓦
綺錯千村厚壓簷勝裏綵花縈粉蝶窓間瓊樹映明蟾
宸衷自切農田慶韶景當前也共拈

恭和

御製賦得涉江採芙蓉

得江字

昆湖明似鏡沿湖即平江萬柄珠擎蓋千花錦列幢風

清迎桂楫香遠入紗窓采采情何已亭亭致少雙梵天
呈寶座初日燦金缸不礙鷗棲穩翻疑魚戲撞名宜君
子愛賦得楚騷降淨植供

宸覽全勝芷與茝

讀朱竹垞前輩經義考

經學肇洙泗儒先述傳薪微言慮垂絕著述代有人訓
詁索繁頤名理研精純專門各屹屹立說胥斷斷修綆
汲重淵棼絲理垂緒先後迭推闡墜緒賴弗湮鑿空

去聲

縱逞臆聚訟或沸脣但能恣紬繹舉足資引伸譬彼嘒
三五仰繼曦御輪天官甘石家指掌羅宮旻又如涓涓
流亦放大海滄桑經與鄺注甌縷窮坤垠嗚呼去古遠
簡帙多就淪瓊覆蝕餒鹵閣束封壁塵刊編與鑿紙世
罕什一存後生日孤陋奚由識前民卓哉竹垞翁蒐輯
何精勤訂殘剔蝸蠹訪逸披荆榛北遊擴封駝南浮壓
輕輪塵尾折五鹿蠅頭禿干魏韋編年及暮篝火夜向
晨薈萃成一書

御製冠羣倫序自漢以下百家悉臚陳旁羅極必緯證
索探翠珉師承著譜系僭擬斥燭燐歐陽翰館目曹氏
陋石圀載記雖筌蹄稽典必是遵書成鋟其半全璧乃
足珍誰歟為表彰歧途得梁津使君起東海譽重井大
春殷懷惠來學頓使卷帙新昔漁洋山薑傳刻高等身
至今數尊宿岱嶧同嶙峋君為鄉後進風雅意夙親護
持到經術用志尤篤淳坐令不朽業畢願待以申蕭齋
一開函牙籤增炳麟嘗言莫為後欲傳苦無因大雅樹

宏達闡揚交有神行見畚經徒矻矻奉陶甄

恭和

御製竹繪屏元韻

蘭

滑笏琅玕列座屏猗蘭幾葉致娉婷宣緣紉佩裁橫碧
訝許分叢照汗青湘水岸滋騷客畹會稽林記右軍亭
幽居高節原同調入室端知久倍馨

竹

入手篋當意迴殊畫屏新漆寫新圖低枝別作當風亞
疊葉疑從過雨摹與可絹鋪慚本色長房杖化幻全軀
此君分取孫枝秀粉籜成陰滿座隅

祝蔣南沙相國五旬壽

黃閣開筵畫景融貞符光岳溯生崧崇班世繼韋平業
雅度人推王謝風曲部冰弦珠錯落仙厨雪藕玉玲瓏
稱觴恰喜當長日早識添籌報海東

繞第風荷淶水灣長筵盛事艷人間斗杓後進星皆聚

霖雨斯民髻未斑
子舍新陰滿桃李
孫枝夕秀燦瑤環
箕疇五福真兼備
俚祝聊隨三叟班

漳浦蔡少司寇請假終養詩以送之

白雲向南閩孤飛渺天際
蔡君賦循陔秋風理歸柁
君家故儒宗世以名行
勵曩者文勤公殖學蘊深邃
安溪相國門袞然稱高第
曾為

天子師啟沃功不細
君也繼家聲淵源夙有自
亦以經術優直講

鶴禁地北之漢二疏遭遇若相類清班厯館閣崇階晉
卿貳方膺稽古榮毓德藉勞勩

召對力陳情萊衣縈夢寐豈無魏闕戀烏鳥期稍慰
帝許暫歸省公請語益摯逡巡七載前蒙

恩得歸侍引義割慈懷強歡心則頓殷勤臨別時迴憶
心猶悸今也日月邁幸得荷

麻庇再見喜踰望再別實以懼嗚咽情不勝淚滴青蒲
漬

天聽為惻然教孝申不匱人生百年中忠孝兩大事苟其缺一端所得不償棄卓哉君此行名教信無愧伊余共禁近廿載辱交契寓齋况連牆履綦時一萃孤露徒艷羨贈言慚古誼努力崇明德晚節尤所冀

題祁陽陳文肅公遺照為公子玉亭郎中

端居數朋舊晨星日寥落披圖見故人老淚泣矇矓公起衡湘間間氣得光岳中歲始通籍才大久磨斲喬柯千尋姿雄劍百鍊鏐穎脫瀛海班不及荷超擢燕吳領

旌鉞閩粵分疆索中外更平聲剔厯曳履振臺閣凡經按

節處所至悉繁劇轆轤絲易焚輪囷節多錯一經手解
劈了了奏刀者至今想丰采猶見氣磅礴歲在戊巳交
秘省共研削蓬婆時軍興造膝傳

廟畧晨入每先曙周廬殷殘析暮散月將墜巖城停禁
鑰蛩駟兩相依青熒一燈爍猶憶涼鷹臺雪花寒漠漠
夜半促詔紙凍毫捫如籥顧余手皸瘃粲然成笑噓
及公鎮嶺南予弟一官薄雅愛推鷁原慈庇移燕幕仲

也旋卒官羈魂慘旁魄復邀麥舟贈得免瘴江泊嗚呼
古誼深予所常感忤丹青覽遺照神采儼猶昨回首理
昔夢忽已驚遼鶴慘淡人琴懷淒涼雞酒約停雲散晨
風藏舟失夜壑老輩如公幾九原竟不作差喜斜川賢
粉署著聲卓餘慶諒有鍾式穀庶斯托題詩擬八哀悲
風入寥廓

恭和

御製哈薩克稱臣內屬遣使入貢詩以紀事元韻

畢昂街通碧漢梁大風猛士叶飛揚人從斗北來重譯
地盡天西入職方汗血已陳龍象馬革心今見速檀王
就瞻迥起遐荒慕共仰

堯勲四表光

恭和

御製出古北口元韻

峭壁削千仞曲磴紆百折肅若鎖鑰局屹如堵墻列壯
哉扼隘地此險誰所設厯代恃藩籬周防恐一缺至今

餘戍壘凍雨淋不裂詎知撫馭資守險固末節

聖朝溥德化了無中外別聲教所到處指揮飛羽札迢迢大荒西內嚮深自結矧近塞諸部久貫珠百八扈遊一遐覽緩轡度車轍但覺層峯巔白雲足怡悅

恭和

御製至避暑山莊得句元韻

塞垣

臨駐地宮闕壯

皇猷每以行秋到常恢

馭遠謀瞻雲欣舊附湛露渥新投王會年年啟頻看大
賚酬

恭和

御製清舒山館元韻

非關着意尋觸景曲池潄一晌林巒趣悠然濠濮心楓
舒新濯錦泉奏不絃琴即事多清賞渾宜點筆臨

恭和

御製雨中觀瀑元韻

盤旋緣澗壑洄洑出林叢已助幽泉響還兼零雨濛急
流飛練似細灑濺珠同簾谷石梁景移來塞苑中

恭和

御製晴元韻

山田甘雨喜均霑雨過新晴倍可欣旗轉遠穿千樹直
馬行高出衆峯尖浮嵐暖欲舒霞綺餘瀑清猶拂水簾
時若早徵秋稔慶齊民術應有年占

恭和

御製千尺雪題句元韻

緣溪落澗總淙淙轉入宮牆繞
御階一串珠穿光晃
漾七條絃試韻和諧石梁飛瀑知誰勝廬阜懸流已足
儕詎與宦光爭景色天教

睿覽沁淵懷

恭和

御製素尚齋詩元韻

山齋渾樸未須搆松棟茅茨意在茲苔淨庭廡寧用飾
陰成松檜不煩移太音絲竹幽泉奏真本丹青列岫施
兩字標題風尚見化權更孰大於斯

恭和

御製細雨元韻

雲罨鍾峯一片纔雨絲風颭漸徘徊喜從人願流膏渥
恰是天教灑道來紅錦倍鮮層嶺樹綠衣新浣上階苔
秋成定識籌車滿仰慰

宸衷切勞猗

恭和

御製山行元韻

幽尋緩步足當車登磴緣溪致自嘉澗水晴飄我頂雪
山雲暖起赤城霞親人林鳥情知樂應候秋鴻信不差
一幅倪迂好粉本壁間新試玉交叉

恭和

御製八月十六日熱河啟蹕木蘭行圍之作元韻

佳節纔開月殿筵晨排羽衛峭涼天塞山密迓

飛龍騎磧路時逢飲馬泉大獮恰當霜信後諸蕃早候
獵期先入崖計日周陞布歲歲欣看

聖武宣

恭和

御製山村元韻

塞外常苦寒種禾取其早地瘠既遲發雨稀復易稿行
行傍山村結穗實堅好彌望但黃茂攬之粒俱飽婦孺

各恬熙雞豚亦馴擾

宸遊信多樂勝賞滿馳道

恭和

御製谷中元韻

谷裏人家成小聚
火耕歲久地迴涼
曲依岩壑搆為屋
平碾坡地掃作場
經歲吏呼曾不到
中田婦饁亦相莊
從遊恍若康衢象
民氣知無莠種妨

恭和

御製入崖口元韻

何年靈掌劈雙崖
區脫偏饒景色佳
草堆驚飛三五起
山廬遊逐百千皆
浮嵐紫翠光交幻
空籟笙竽韻自諧
頻歲喜看

行猶到秋清風露朗

吟懷

恭和

御製雪獵元韻

去年曾讀雨獵詩

神筆九霄落珠玉今年雪獵景更好
窅過嶰山圖一軸
赳赳遡騎勇且賢短衣穿袂不覺寒
有時屹立堅不動
斯須橫逞飛銀鸞是時瓊雲正霏灑
高疊層巒低覆野
散花頓着枯樹開落墨難將粉本寫
一聲圍合何雄哉
萬馬齊蹴冰稜皚從臣相顧各驚詫
身上羣玉峯頭來

恭和

御製瓊廬詩元韻

白氈剪裁潔文筠揀架平自然成廣廈寧用侈雕甍霜
隔簾衣重香凝

黼座清由來陶復製存古見

深情

恭和

御製哈薩克使臣至今隨圍獵并成是什元韻

萬里瞻雲志吉蠲款關來覲

九重天得通聲教今伊始久限獫狁歲幾千

帳殿賜筵膜拜肅塞山從獵騎行駢職方盛事真無外
王會圖應館閣編

恭和

御製寄題大宛獨樹元韻

翠蓋蔚盤囷干霄氣有神迥留穹古雪獨秀大荒春材

想櫟樗類名咨譯象詢何須勞博望鄂呼此傳真

鄂呼引河

名樹生河源彼中謂之鄂呼引噶克
又莫朵噶克义者獨莫朵則樹也

恭和

御製吟紅樹元韻

幾夜霜華染樹巔
紅葉映窓懸
只疑二月花齊發
何礙千峯翠盡填
蒸起赤城霞
並艷裏來吾谷錦同鮮
塞山到處丹青滿
畫裏歸程好鞦韆

恭和

御製萬樹園宴哈薩克使臣詩以紀事元韻

秋高塞苑下微霜
王會筵開月近陽
萬里新添重譯使
九垓誰復不庭方
衣冠八座華裯接
絲管行觴彩幄張

柔遠信覘無外治共球大小凜靡遑

恭和

御製九月十五日賜哈薩克使臣觀燈火元韻

綺筵寵答洛那朝塞苑鰲燈午夜燒
忽訝榆槐輝火樹
早覘畢昴貫星橋
九華炬朗缸銜壁十丈輪高錦作標
緣識

懷柔多盛事豈誇曼衍麗春宵

恭和

御製總河白鍾山等奏報秋汛平穩詩以誌慰元韻
黃河自天來百川匯而集建瓴趨下游淮徐流最急向
來慎保障堤高數十尺無何司河者忘遠昧所亟設堤
本捍水水高堤寡力洩水以保堤轉恃為良畫流緩沙
遂淤河淺地仰矧其弊如養癰一潰恣衝擊今春

翠華蒞要領示頃刻速堵毛城鋪旁突令早息復鑿蘇
家山經流使暢滌迫束乃疾走妙用在剛克秋來報汛
過中泓果平直湍駛刷沙深測量逾舊額順軌行地中

得寬捍禦責乃知

膺算神一舉免勞劇從茲歲清晏百神謹奉職豈惟奠
民居益復滋土脉

恭和

御製大西門較射疊舊作用齊召南韻

清蹕剛回自塞山問

安虔謁

寢門間濯龍路識承

歡熱布鵠儀修

聽政閒應節迥符
狸首樂更番迭進
羽林班觀容別有
朝天使仰詫

威弧似月彎

受降城已築燒當
萬里軍還塞草黃
持滿倍懷機省括
挽強更試技穿楊
矢陳肅慎共球會
箭定天山史冊光
窮鳥聞弦應仆地
豈煩繁弱殪封狼

門迎萬壽叶呼嵩
入望丹楓繡綉同
秋老風聲宣羽箭

曉寒霜力上雕弓一時官備要荒甸九節侯張虎豹熊
射的頻更鏃輒樹

聖人巧力信天工

隨鐙還容近玉鞭仰瞻

聖度錦繡前威稜早警遐荒地武備逾恢大漠天落石
鈇鋒鳴簌簌荷錢圓的疊田田

宸章殿壁廡三度神武寧論貞觀年

應

制詠側理紙三十韻

汗簡自上古韋編邈難求麻網代縑素妙製肇蔡侯左
伯暨張永澤麗稱最優增華踵紛沓浣花詎堪儔洽聞
王子年掇拾窮冥揆海濤苔引綠航賣輸炎洲理側因
以名縱橫互綢繆壯武志博物萬番重相酬賞時已寶
貴況閱代祀修杵造久失傳僅存知寡仇但聞逸少帖
陟釐藥散投何來太康物貢陳玉殿頭細織筍編密
平鋪簞紋流大團渾無端直索圍交周將毋同功璽締

此無縫綢莫辨何所施但訝古色幽裁成歸有用一試
松烟浮宣毫適相發

神與心手謀懿此五合臻

天縱超芝繇前者使舶返蠻牋出琉球亦有高句麗鏡
面光如油

幾餘日揮灑寶笈萬卷留楮氏第甲乙裒然此其尤鎮
以尺玉界運以管金縷

宸藻摘柏梁

奎畫迴銀鈎錦罽懸藜裝虹光燭龍樓一用一襲藏卷
舒惟所由念昔棄置初寧免鼠蟲愁特達近供御拂拭
珍琳璆設非逢

右文盛遇得爾不

恩賜

御筆畫幅恭紀六十韻

謹序

竊臣以疎賤庸陋遭逢

聖主蒙被

恩顧栽培教育供職清秘日侍

穆穆之光者於茲二十餘年前後拜

賜

御書

御畫榜額卷軸照古騰今謹一一裝潢標識寶藏世守

茲復

特頒箋幅

御筆親署臣名重荷

題識有日夕在公勤慎匪懈之語

褒錫逾分惶汗戰悚伏念臣叨沐

殊榮至深極厚捐糜頂踵無足仰酬萬一乃以孱羸趨

走末節仰邀

慈鑒形諸筆墨

渲染神工

賁由割愛豈

臣

謏劣所克勝受感極涕隕莫罄名言敬

倣宋臣蔡襄謝賜述恩故事率成長句恭紀

隆恩進呈

睿鑒

臣

不任榮戴感激之至

歲赤奮若月黃鐘

靜宜趨直朝瞳矐

宣賜墨寶光吐虹上論書畫昭發蒙重以

題識嘉在公驪珠廿顆雙行重署名鄭重驚罕逢兢惶
鞠脆心忤恍春暄被體迴隆冬往復尋繹薰醇醲六體
八法理境同分途造極畛域封惟全于天乃賅通千秋

藝林董思翁鍾張正脉歸戲鴻妙處更入浩與同世人
但賞姿妍丰詎識直指提禪宗

天縱神筆探鴻濛

幾餘游藝臨明窻曰泓曰頴左右供宇宙在手一氣融
千鈞迴腕中鋒鋒渾厚蕭遠兼春容此幀磅礴咫尺中
浮嵐隱見江上峯飛流界道疊玉琮平林搖籟竹笑風
枯樹夭矯柯青銅瘦石介立金芙蓉茆亭納爽四柱空
宋元大家萃冶鎔真宰自運造化工得象外豈勞經營

叶
何處尚有筆墨蹤巍巍

聖德健自強 叶 六幕諧燮涵

淵衷宵衣燕見燭影紅疇咨三接達四聰惜寸陰邁神
禹功委蛇退食絲五總坐數清漏聲琤琤有如曦曜周
圓宮列宿躔舍昏旦從靈海噓喻開沖融百川奔匯無
纖洪涓涓畎澮亦向東鞭策羸駑追翔龍掣電顧視憐
躡躡力有不到心無窮敢以執事明敬共小草仰被

聖澤濃

奎章前後

寵賚豐

異數昭示勵匪躬

思深溟渤崇岱嵩榮逾華袞勒景鐘臨淵集木慎始終
勗勤服

訓銘心胸至寶傳守珍璧琮來昆世世俾輸忠

蘇軾謝賜御詩

表付與子孫俾

輸忠於世世

恭和

御製冬至月十八日雪詩元韻即題雪景畫

羃歷陰垂野迷漫態舞空瑞呈三度白晴放一窻紅春
盎端倪露天成位置工蓬臺清絕處水石總玲瓏

敬題

御筆歲朝圖以歲朝二字為韻應制

萬福集元辰三陽開綺歲淑氣正舒梅光風方轉蕙棣
通春物昌駘蕩韶華麗蓬島宛相望

茂對有深契

瑤圖肇初節寶勝應元朝氣入銅瓶暖光呈玉燭調筵
相染餘馥苑柳驗新條善頌陳如意祥符麗九霄

敬題

御筆枯木竹石

竹君聖之清石丈靜而壽古木全其天冬晦含蔚茂文
蘇游戲攄性真

化工默運尤通神豈惟

揮翰餘清新熙熙宇宙方同春

戊寅春帖子詞

棟通陽奏達燠沐物昭蘇寶帖宜春字

瑤階集瑞圖

鞭牛載耒塵

皇情九域京城慶阜成豫充徐揚胥宅土青疇處處樂
春耕

萬里條風淑氣催迥將朔漠作春臺攝提遠布陽和令
一片紅旗送喜來

戊寅附

正月三日雪敬用

御製元韻

六花早報開年瑞三白遙聯隔歲祥
喜氣膏流堆餅餌
農占兆協慶茨梁光添簷月一痕細潤逼
壚烟百和香
寶勝華鐙稱

清賞竹壚茗椀更新嘗

松泉集卷二十六